



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex diplomaticus Brandenburgensis**

Sammlung der Urkunden, Chroniken und sonstigen Quellenschriften für  
die Geschichte der Mark Brandenburg und ihrer Regenten

**Riedel, Adolph Friedrich**

**Berlin, 1862**

XI. Chronik des Klosters Hillersleben.

[urn:nbn:de:hbz:466:1-55046](https://nbn-resolving.org/urn:nbn:de:hbz:466:1-55046)

## XI.

**Chronik des Klosters Hillersleben.**

Anno incarnationis domini M<sup>o</sup>., Regnante ottone tercio, Miftuutz dux Obvtriorum, scilicet flauorum, combussit monasterium sancti Laurentij martyris in Hildesleue, eductis inde sanctimonialibus, Et illo Die multi de faxonibus sunt interfecti. Quo tempore prefuit Magdeburgensi ecclesie Gifelerus, secundus episcopus, Arnulfus in Halberstad et sanctus Herwardus in Hildensheym etc.

Anno incarnationis domini M<sup>o</sup>. XXII<sup>o</sup>., Imperii vero domini Hinrici Bauenbergensis IX<sup>o</sup>., Presidente sancte Romane ecclesie Benedicto, huius nominis octavo, Inchoatum est fundamentum ecclesie sancti Laurentii in Hildesleue et ad perfectum usque perductum a religiosis cristifidelibus, Gerone videlicet archiepiscopo quinto Magdeburgensi et Ennihilde, ipsius sorore, de Domersleue; et addidit in ea Collegium monachorum regulam sancti benedicti observancium: Quam Arnulfus, Halberstadenfis episcopus, in honorem Domini beatique Laurentij martyris honorifice dedicauit VIII<sup>o</sup>. kal. Novembris, Quo tempore floruit beatus Godehardus, Hildensemenfis episcopus. Quomodo predicti monachi in posterum eiecti sunt, incognitum est, sed notum satis est, hic subintrasse Canonicos.

Anno M<sup>o</sup>. XC<sup>o</sup>. VI<sup>o</sup>., Presidente sancte Romane ecclesie Vrbano, Imperatore regnante Hinrico III<sup>o</sup>. de Hartzesborch, Hartwigo Magdeburgensi archiepiscopo, qui successit Wernero episcopo, sub quo occisa est domina Godelindis de scha-kenfleue, Herrandus, XIII<sup>us</sup> Halberstadenfis episcopus, petitione Alteheidis, neptis sue, filiorumque eius Wedekindi, Bodonis, Bernardi, Ghüntzelonis, clericis hic eliminatis, monachos, quos in Ilfedeburgensi cenobio religiofores reperit, collocauit, Prioremque de eodem claustro, Aluericum nomine, eis preposuit. Concessit eciam idem episcopus predicto abbati suisque successoribus per villam adiacentem decimam et curam animarum. Post XIII<sup>im</sup> annos Reynhardus episcopus consecrauit eundem dominum in abbatem. Defuncto autem eidem abbate successit ei pie memorie dominus Irminhardus, venerabilis abbas, qui octoginta mansos et plu-



rimos libros et multum ornatum in inparamentis et campanis et variis edificiis comparavit. Insuper edificavit novum monasterium post destructionem Castris, quod situm fuit hic in curia. Dedicari namque fecerat prius tria altaria in veteri monasterio ab Ottone, Halberstadenfisi episcopo. Mortuo vero ipso abbate Quidam de fratribus, Thetmarus nomine, a pluribus est electus, quem Theodericus, comes de Wichmanstorppe, remouit et alium, Arnoldum nomine, contra voluntatem fratrum, instituit, qui post tres annos penitus eiectus est de loco, Post quem subintravit dominus Bertoldus de Ilfedeborch, sub quo submersa est ciuitas Haldesleue (sic) et exustum est novum opus, quod abbas Irminardus decenter inchoauerat. Quo defuncto electus est dominus Sigebode, confrater ecclesie, Sub quo Berengherus, comes de Iare, abstulit privilegium ecclesie violenter, et captiuauit episcopum Theodericum de Halberstad in kaminata hospitem. Et eodem domino sine consecratione defuncto electus est dominus Wolradus, prior de monte, Cuius tempore episcopus predictus exegit emendam contumelie, a Berenghero comite sibi illate; sed primo restitutum est privilegium ecclesie, Et idem comes renunciauit omni iuri, quod habuit in hoc claustro. Postea, petente Gardolfo episcopo, Abbas cum conuentu elegit Ottonem, filium Berengheri, in advocatum, secundum tenorem privilegii sui. Tempore huius abbatis venditum est allodium flaucis comiti Hinrico de Ghardelege pro quadam summa argenti et pro III<sup>or</sup> mansis in hogenwersleuen et tribus in wifmenchere. Post mortem vero predicti abbatis electus est dominus Cesarius, sub quo mortuus est aduocatus otto, comes de griben, cuius viduam duxit Gheuehardus de Arnefteyn, cum qua impeciit aduocaciam, inferens plurima dampna ecclesie. Tandem idem Gheuehardus per censuram ecclesiasticam a dicta semotus est aduocacia, Et post hoc vendidit Comiciam et omnes proprietates ottonis cis oram Marchioni Adelberto huius nominis II<sup>o</sup>, Cum quo idem abbas fecit concambium cum Allodio eluebüie, quod dedit ei pro XII mansis in feodo positis in hac villa. Quatuor preterea de ipsis redemit a Lüdero et filio suo Hinrico de Vendorp, conferens ei tres mansos in Wifmenchere, mansum et dimidium in Snardesleue et vnum in Honwersleue in feodo. Eisdem temporibus Wolbertus in Ovesvelde impetrauit ab Ottone cesare aduocaciam ecclesie, et eam per tyrannidem inuasit, Qui tandem de promocione abbatis per censuram ecclesiasticam et iussionem cesaris ab ea cessauit. Ipso tempore rexit ecclesiam Halberstadenfem Fredericus episcopus, quem predictus abbas cum conuentu elegit in perpetuum aduocatum sub hac forma: Vt abbas de manu episcopi teneat aduocaciam nullo mediante, Dato super hoc privilegio et testibus super notatis, etiam banno confirmante. Postea Comes Olicus duxit filiam ottonis de griben, et cum ea impeciit aduocaciam, et intulit multa mala ecclesie, adeo, ut omnes fratres recederent de loco. In eadem gwerra episcopus et abbas migrauerunt a seculo. In episcopatu successit Ludolfus de fladun. In abbatiatu successit dominus Ludolfus de Huisborch, quem tenuit X mensibus. Postea a fratribus Huisborghensis ecclesie electus est in abbatem. Ludolfus vero



episcopus contra formam privilegij, in quo scriptum est ex nomine, porrexit aduocaciam Olrico comiti in feodo (ita) ut in allodiis, que abbas coli fecit, iudicio presidere non debeat, Et cum presidet alibi iudicio, Abbas affideat, Et quidquid lucratus fuerit due partes cedant abbati Et vna sibi. Domino ludolfo successit Tydericus, prior huius ecclesie, qui IIII<sup>or</sup> mensibus rexit ecclesiam. Cui successit dominus borchardus Cantor, qui duobus annis et dimidio prefuit. Cui successit dominus gheuehardus, custos huisborgensis, qui XX annis prefuit. Cui successit dominus Hinricus, prior et custos huius ecclesie, Qui monasterium, quod antiquitus constructum fuerat, fecit confringi, et novas monasterii structuras erexit. Cui successit dominus Bernardus, celerrarius prius in Ammensleue. Post hunc electus est dominus Hinricus prior, qui tenuit abbatiam tribus mensibus. Huic successit dominus Johannes, prius hospitalarius. Hic consumavit occidentalem partem ecclesie in tecto.

Milo, comes de Hammensleue, duxit Lüttburgam, filiam Altesindis, et ex ea genuit Ottonem, comitem de Hildensleue. Otto genuit Bertham, que nupsit primo Tiderico de Wychmanstorp et postea Berengero, comiti de Lare, et per eum genuit Ottonem de Griben. Otto genuit Lückardam, que nupsit comiti Olrico de Regenfteyn.

*[Faint, mirrored text from the reverse side of the page, likely bleed-through or a ghost image of the text.]*